

Ungmennafélag Akureyrar

2006

Ungmennafélag Akureyrar, UFA var stofnað 5. apríl 1988 og voru stofnfélagar tæplega 60. Tilgangur félagsins er að efla frjálsar íþróttir á Akureyri, þroska félagsanda og stuðla að heilbrigðu lífni.

Hér á eftir fer árskýrsla félagsins fyrir starfsárið 2006.

Efnisyfirlit

EFNISYFIRLIT	1
AÐALSTJÓRN.....	2
SKOÐUNARMENN REIKNINGA.....	2
FUNDARHÖLD	2
SKÝRSLA STJÓRNAR	3
HELSTU VIÐBURÐIR OG VERKEFNI.....	3
STARFSEMI LANGHLAUPARADEILDAR UFA.....	8
LOKAORÐ.....	9
LÖG FÉLAGSINS	11
EFNAHAGSREIKNINGUR 31.12. 2006.....	12
REKSTRARTEKJUR 2006.....	13
REKSTRARGJÖLD 2006.....	14
FJÁRHAGSÁÆTLUN UFA ÁRIÐ 2007.....	16

Aðalstjórn

Gísli Pálsson	formaður
Katrín Pálsdóttir	varaformaður
Rannveig Oddsdóttir	ritari
Guðmundur Víðir Gunnlaugsson	gjaldkeri
Svanhildur Karlsdóttir	meðstjórnandi
Birna Ingólfssdóttir	meðstjórnandi
Kristín Konráðsdóttir	meðstjórnandi
Arna Brynja Ragnarsdóttir	varamaður
Stefán Gíslason	varamaður
Valgerður Þorsteinsdóttir	fulltrúi iðkenda

Skoðunarmenn reikninga

Hrönn Einarsdóttir	
Drífa Matthíasdóttir	
Sigþór Heimisson	varamaður
Magnús Arnarson	varamaður

Fundarhöld

Aðalfundur UFA vegna ársins 2005 var haldinn 22. febrúar 2006 í kaffiteríu Íþróttahallarinnar. Fundarstjóri var Kristján Þór Júlíusson bæjarstjóri. Fundarritari Rannveig Oddsdóttir. Gestir fundarins voru Viðar Sigurjónsson starfsmaður ÍSÍ, Sigfús Helgason varaformaður ÍBA, Sæmundur Runólfsson framkvæmdastjóri UMFÍ, Ómar Bragi Stefánsson landsfulltrúi UMFÍ, Árni Arnsteinsson formaður UMSE, Hringur Hreinsson stjórnarmaður UMFÍ, Björn Snæbjörnsson formaður ÍTA og Kristinn Svanbergsson íþróttastjóri og tólmundafulltrúi ÍTA.

Á fundinum var Ungmennafélag Akureyrar sæmt titlinum Fyrirmyndarfélag ÍSÍ. Úr stjórn gengu Hugrún Sigurbjörnsdóttir, Hólmfríður Erlingsdóttir og Jenný Karlsdóttir. Í þeirra stað voru kjörin Birna Ingólfssdóttir, Kristín Konráðsdóttir og Stefán Gíslason. Viðurkenningar voru veittar íþróttafólki félagsins fyrir góðan árangur og ástundun og bar hæst val á íþróttamanni UFA árið 2005 en þá nafnbót hlaut Rannveig Oddsdóttir.

Stjórnarfundir voru 23 á starfsárinu, sóttir allir formannafundir ÍBA, báðir sambandsráðsfundir UMFÍ sem fram fóru að Laugum í Reykjadal og að Flúðum í Árnassýslu auk margra annarra funda í heimabyggð.

Skýrsla stjórnar

Starfið gekk vel á árinu og verður að flestu leyti að teljast öflugt. Hyllir nú undir bættar aðstæður til iðkunnar frjálsra íþrótta og er umræða um vallaruppbyggingu á fulli skriði. Rætt er um að byggja upp á íþróttasvæði Þórs, sunnan Hamars. Þar rís væntanlega á næsta ári fullbúinn frjálsíþróttavöllur sem gert er ráð fyrir að standist alla alþjóðlega staðla. Stefnt er að verklokum haustið 2008. Með tilkomu þessa mannvirkis verður breytingin fyrir frjálsíþróttaiðkendum gífurleg. Einnig styrkir tilkoma vallarins rekstur UFA verulega, því með tilkomu hans verður komin boðleg aðstaða til móthalds hér heima. Einnig er áformað að einangra vegg Bogans á komandi sumri og hita húsið að nokkru upp. Verður þar einnig um mikla bót að ræða. Má því segja að nú hylli undir langþráða drauma okkar frjálsíþróttáhugamanna.

Heimasíðu UFA, *ufa.is*, var haldið úti sem fyrr. Má þar fylgjast með því sem á döfinni er á hverjum tíma, sem og árangri og helstu afrekum okkar íþróttafólks. Þó er það svo að jafnan má gera betur og til bóta væri að leggja enn meiri rækt við þetta nútímataeki, sem er nú þegar besti upplýsingamiðill félagsins.

Það er skoðun stjórnar UFA að æfingagjöldum hjá félaginu sé mjög í hóf stillt og þá stuðst við samburð við þáttökugjöld í öðrum íþróttagreinum. Æfingasókn iðkenda var lengst af með ágætum. Ljóst er að margt af okkar helsta íþróttafólki tók miklum framförum á árinu og eru okkar sterkustu einstaklingar komnir í fremstu röð á Íslandi í sínum greinum.

Fjárhagur UFA verður að teljast góður, en mikill tími og orka forystufólksins fer í að halda honum á réttum kili. Gefið var út kosningablað, nú í tengslum við kosningar til sveitastjórnar og var blaðinu dreift á hvert heimili á Akureyri. Gekk útgáfan vel og er hún stærsta einstaka fjáröflunarleið félagsins. Við öflun auglýsinga í blaðið má glöggt finna þá velvild sem félagið nýtur í bænum.

Ýmsar hefðbundnar fjáröflunarleiðir voru farnar. Má nefna sölu á pennum fyrir Krabbameinsfélag Akureyrar og sölu á dagatölum fyrir Þroskahjálp, en þessi verkefni voru unnin í samvinnu við framangreind félög. Kleinur voru bakaðar og seldar í dyragáttum og klósetpappír var seldur vinum og velunnurum frjálsíþróttaiðkenda og sem fyrr skilaði það drjúgu. Blóm voru seld fyrir páska, staðið í sölu á sokkum og fleira af þessum toga má tína til.

Mótahald er ein af þeim fjáröflunarleiðum sem gefur félögum af þessum toga tekjur. Nær engir slíkir möguleikar eru til staðar í okkar félagi vegna aðstöðuleysis. Nú þykir ekki ásættanlegt að keppa á öðrum brautum en lögðum gerviefnum og öll innanhúsmót á vegum FRÍ fara nú orðið fram í nýrri og glæsilegri frjálsíþróttahöll í Laugardalnum í Reykjavík. Boginn er þó besta innanhúsaðstaðan á Norðurlandi og við að fá yl í húsið verður stigið gott skref í rétta átt.

Helstu viðburðir og verkefni

Hér á eftir er fjallað um helstu viðburði og verkefni úr starfi UFA á árinu. Starfi langhlauparadeildarinnar verður þó gerð skil sérstaklega aftast í skýrslunni. Úrslit í flestum mótum sem hér er fjallað um má finna á heimasíðu Frjálsíþróttasambands Íslands, www.fri.is.

Stórmót ÍR og vígslumót nýju hallarinnar í Laugardal

Mótið var haldið helgina 27.-28. janúar. Þetta var góð ferð, okkar fólk stóð sig með sóma og unnust 19 verðlaunasæti. Frábært var að koma í nýju höllina og keppa við aðstæður eins og þær gerast bestar.

Þessa sömu helgi var einnig **Framhaldsskólamótið** haldið í Reykjavík og var UFAfólk aðaluppistaðan í liði MA. Þar sigraði lið MA bæði í kvenna- og karlaflokki.

Meistaramót Íslands 15 til 22 ára

MÍ 15-22 ára var haldið í Reykjavík helgina 4.-5.febrúar. UFA keppendur voru 19 og var árangur okkar fólks frábær. Unnust 6 Íslandsmeistaratitlar, en til þeirra unnu Hulda Rún Ingvarsdóttir, Bjarki Gíslason, Inga Vala Gísladóttir og Hjalti Rögnvaldsson. Einnig unnust 7 silfur og 11 brons og í heildarstigakeppninni varð lið UFA í 5. sæti.

Meistaramót Íslands í fjölþrautum

Mótið var haldið í Reykjavík 12.-13. febrúar. UFA átti 3 keppendur á mótinu og stóðu þeir sig ágætlega, hlutu 3. 5. og 8.sæti.

Meistaramót öldunga innanhúss

Einn keppandi fór á vegum UFA á mótið og náði hann nokkrum verðlaunasætum.

Meistaramót Íslands

MÍ aðalhluti var haldið í Laugardalshöllinni 18. og 19. febrúar. UFA átti 8 keppendur á mótinu og komu ein silfurverðlaun í þeirra hlut.

Aðalfundur UFA

Hinn árlegi aðalfundur var haldinn þann 22. febrúar í kaffiteríu Íþróttahallarinnar. Enn og aftur sýndi Kristján Þór Júlíusson, þáverandi bæjarstjóri, UFA þá velvild og virðingu að stýra fundinum. Fundarsókn var ágæt og margt góðra gesta var á fundinum.

Nánari umfjöllun um fundinn er annars staðar í skýrslunni.

Meistaramót Íslands 12-14 ára

Mótið var haldið í Laugardalshöllinni 25. og 26. febrúar.

Keppendur frá UFA voru aðeins 8 Þau náðu frábærum árangri, hlutu 7 Íslandsmeistaratitla, en til þeirra unnu Agnes Eva Þórarinsdóttir, Snorri Björn Atlason og Örn Dúi Kristjánsson, 13 ára strákarnir urðu Íslandsmeistarar í 4x200 m boðhlaupi (Örn Dúi, Snorri, Sindri og Ómar) og í heildarstigakeppninni urðu 13 ára strákarnir stigahæstir. Einnig unnust 3 silfur og 1 brons.

Bikarkeppni Norðurlands

UFA hélt mótið helgina 1. og 2. apríl. Á annað hundrað keppendur tóku þátt í mótinu sem tókst í alla staði mjög vel. Keppendur komu frá UFA, HSP og UMSS. UFA sigraði heildarstigakeppnina. Seinni part laugardagsins var keppt í nokkrum greinum í flokki 11 ára og yngri. Í tengslum við mótið voru haldnar æfingabúðir fyrir iðkendur frjálsra íþróttá hér á Norðurlandi sem ágæt þátttaka var í.

Æfingaferð til Kanaríeyja

Ferðin var farin 5. apríl og komið til baka 19. apríl. Undirbúningur hafði staðið yfir í eitt og hálf ár. Fimmtán iðkendur fóru frá UFA, 5 frá HSP, 5 frá UMSE og 1 frá UMSB ásamt þjálfurunum Unnari og Gísla. Aldur miðaðist við 10. bekkina og eldri. Ferðin tókst mjög vel.

1.maí hlaupið

Fjögur hundruð og fimmtíu manns á öllum aldri tóku þátt í hlaupinu þetta árið sem er mun betri þátttaka en verið hefur undanfarin 3-4 ár. Vonandi helst þessi góða þátttaka. Valsárskóli sigraði í stigakeppninni, 3. árið í röð.

Kosningablað UFA

Kosningablað var gefið út í tilefni bæjar- og sveitastjórnarkosninga. Blaðið var hið vandaðasta og var því dreift inn á öll heimili á kosningasvæðinu. Útgáfa blaðsins skilar félaginu drjúgum tekjum auk þess sem það kynnir starf félagsins.

Vormót UFA

Mótið var haldið laugardaginn 5. júní. Á annað hundrað þátttakendur kepptu og komu þeir frá UFA, UMSE, HSP og UMSS.

Frjálsíþrótt- og leikjanámskeið

Dagana 6.-16. júní og 19.-30. júní stóð UFA fyrir frjálsíþrótt- og leikjanámskeiðum fyrir börn 8 ára og yngri, í umsjá Birgittu Guðjónsdóttur og Unnars Vilhjálmssonar. Rúmlega tíu börn voru á hvoru námskeiði og héldu mörg þeirra áfram að mæta á æfingar hjá UFA eftir námskeiðið.

Æfingabúðir FRÍ

Dagana 10. og 11. júní voru æfingabúðir FRÍ haldnar í Vík í Mýrdal og fóru 2 iðkendur frá UFA þangað.

Vormót UMSE

Mótið var haldið á Dalvík dagana 13. og 15. júní og átti UFA margt manna þar á verðlaunapalli.

Fimmtarþrautarmót UMSS

Mótið var haldið á Sauðárkróki 23. júní. Keppendur frá UFA voru 12 þar af 3 í fimmtarþrautinni en hinir í langstökki og 100m hlaupi, sem einnig var keppt í. Okkar fólk gekk ágætlega á þessu móti og unnust nokkur verðlaun.

Gautaborgarferð

Þetta var ferð á Världsongdomsspelen (Gautaborgarleikarnir) í Gautaborg 5.-13. júlí. Mótið er stærsta alþjóðlega mótið í frjálsum íþróttum á Norðurlöndunum, með um 3000 keppendur frá 12-15 löndum og er haldið á hinum glæsilega Ullevi leikvangi. Aldur þátttakenda frá UFA miðaðist við 12-15 ára. Keppendur frá UFA voru 13, en einnig voru í hópnum 3 frá UMSE og 1 frá HSP, en þeir krakkar höfðu mætt á æfingar hjá UFA. Þjálfarar hópsins voru Unnar og Inga Vala. Einnig voru 4 mæður með í ferðinni. Þetta var frábær ferð í alla staði. Margir bættu árangur sinn og má nefna að Snorri Björn Atlason komst í úrslit í langstökki og Örn Dúi Kristjánsson setti Íslandsmet í sínum aldursflokki í 60 m grindahlaupi. Okkar fólk var félaginu til sóma í einu og öllu í þessari ferð.

Meistaramót Íslands 15-22 ára

Mótið var haldið í Kópavogi 22. og 23. júlí. Frá UFA voru 15 keppendur. Okkar fólk gekk vel. Íslandsmeistaratitlarnir urðu 5, en til þeirra unnu Bjartmar Örnuson, Inga Vala Gísladóttir og Bjarki Gíslason einnig sigraði UFA í flokki ungvænna 19-22ja ára. Mörg silfur og brons unnust einnig.

Sumarhátíð ÚÍA

Mótið var haldið á Vilhjálmssvelli á Egilsstöðum 22.-23. júlí
Um 10 keppendur fóru frá UFA og unnust fjölmörg verðlaunasæti.

Meistaramót Íslands, aðalhluti

Mótið var haldið á Laugardalsvelli 29.-30. júlí. Sjö keppendur fóru frá UFA og unnust tvönn bronsverðlaun.

Unglingalandsmót á Laugum

Að þessu sinni var unglíngalandsmótið haldið að Laugum í Reykjadal. Mótið var haldið um verslunarmannahelgina eins og verið hefur undanfarin ár. UFA var með sameiginlegar tjaldbúðir og stórt samkomutjald með UMSE og gekk sambúðin vel. Í stóra tjaldinu voru samverustundir þar sem farið var yfir árangur dagsins og fólk skemmti sér saman. Einnig voru veitingar í boði félaganna alla dagana. Sameiginlegt grill var svo eitt kvöldið í boði félagana með stuðningi kjötvinnslustöðva og brauðgerða á Akureyri. Eru þeim færðar þakkir fyrir framlög sín. UFA átti 25 keppendur á mótinu sem allir stóðu sig mjög vel, margir voru í verðlaunasætum og þar af urðu 5 unglíngalandsmótsmeistarar.

Þetta var skemmtilegt mót og frábært að vera á samkomu sem þessari um verslunarmannahelgina. Um átta þúsund manns voru talin vera að Laugum þessa helgi og hátíðin með öllu vímulaus.

Akureyrarmót UFA og aldursflokkamót UMSE

Mótið var haldið dagana 9. 16. og 17. ágúst á Akureyrarvelli. Nú voru þessi mót í fyrsta skipti haldin sameiginlega og þótti það takast ágætlega og úr varð hið skemmtilegasta mót með á þriðja hundrað þátttakendum.

Meistaramót Íslands 12-14 ára

Mótið var haldið á Sauðárkróki helgina 17.-18. ágúst. Frá UFA fóru aðeins 8 keppendur, en líklegt er að einhver þreyta hafi verið komin í mannskapinn eftir mörg mót þarna á undan. UFA menn stóðu sig ágætlega þótt enginn næði Íslandsmeistaratitli.

Bikarkeppni FRÍ 2. deild

Mótið fór fram í Vík í Mýrdal 26. ágúst. UFA og UMSE voru með sameiginlegt lið og kepptu við þrjú lið um sæti í 1. deild að ári. Keppendur UFA/UMSE voru 20 og Unnar var þjálfari liðsins í ferðinni. Hafnaði okkar fólk í 2. sæti, svo við verðum áfram í 2. deild eitt árið til. Sigur vannst í 7 greinum.

Bikarkeppni FRÍ, 16 ára og yngri

Mótið var haldið í Mosfellsbæ 2. september. UFA var með sameiginlegt lið með UMSE. Liðið hafnaði í 3ja sæti í heildarstigakeppninni sem telst góður árangur.

Haustfagnaður UFA

Hinn árlegi haustfagnaður UFA var loks haldinn 7. september í Kjarnaskógi, í fínu veðri, en áður hafði honum verið frestað vegna mikillar rigningar. Ágætis þátttaka var og skemmtu foreldrar og börn sér saman í leikjum og borðuðu pizzur frá Jóni Spretti.

Akureyrarhlaupið

Hlaupið fór fram þann 16. september í ágætis veðri. Þátttakendur voru um 200 og var það aukning frá fyrra ári, sérstaklega var aukin þátttaka í 10 km hlaupinu, en 105 manns hlupu þá vegalengd. Aðrar vegalengdir sem boðið er upp á í þessu hlaupi eru hálfmaraþon og 3 km.

Haustfundur UFA

Haustfundur UFA var haldinn í kaffiteríu Íþróttahallarinnar fimmtudagskvöldið 5. október. Farið var yfir starf vetrarins og veittar viðurkenningar fyrir Akureyrarmótið.

Nóvembermót UFA, Landsbankamót

Mótið var haldið helgina 11.- 12. nóvember. Það var að þessu sinni styrkt af Landsbankanum og kallaðist því Landsbankamót. Keppendur voru á annað hundrað og auk okkar fólks voru keppendur frá HSP, UMSE, UMSS og USAH. Mótið tókst í alla staði vel og samkvæmt venju voru veitingar í boði UFA. Bakaríin í bænum gáfu okkur brauðið og heitt kakó var veitt með, enda veitti ekki af í kuldinum í Boganum.

Silfurleikar ÍR

Mótið var haldið þann 18. nóvember í Laugardalshöllinni. Það var haldið til heiðurs Vilhjálmí Einarssyni, en nú eru liðin 50 ár frá því að hann hlaut silfur á Ólympíuleikunum í Melbourne. Okkar fólki gekk vel á þessu móti og unnust nokkur verðlaun.

Nóvembermót HSP

Mótið var haldið á Húsavík, sunnudaginn 19. nóvember. UFA keppendur voru 7 og stóðu sig mjög vel.

Nóvembermót UFA, 10 ára og yngri

Mótið var haldið 26. nóvember í Boganum. Fyrir utan UFA keppendur komu keppendur m.a. frá UMSE, UMSS, og USAH samtals rúmlega 50 keppendur.

Bætingamót UFA

Mótið var tvískipt, fyrri dagurinn var 30. nóvember, og sá seinni 7. desember. Keppendur voru tæplega 40 talsins frá UFA, UMSS, UMSE og HSP.

Jólamót Samherja

Mótið var haldið í Íþróttahúsinu að Hrafnagili 3. desember. UFA keppendur voru 11 og stóðu sig allir mjög vel.

Viðurkenningahóf Íþrótt- og tómstundaráðs Akureyrar

Árlegt hóf Íþrótt- og tómstundaráðs var haldið 28. desember í Íþróttahöllinni. Fjórtán einstaklingar frá UFA urðu Íslandsmeistarar á árinu og hlutu viðurkenningar frá ÍTA fyrir þann glæsilega árangur.

Jólamót UMSS

Mótið var haldið 28. desember á Sauðárkróki.

UFA átti 4 keppendur á mótinu og setti Bjarki Gíslason Akureyrarmet í stangarstökki.

Áramót Fjölnis og Landsbankans

Mótið var haldið í Laugardalshöllinni þann 30. desember.

UFA keppendur voru 6 á mótinu. Bjarki Gíslason setti Íslandsmet í stangarstökki í flokki sveina 15-16 ára, stökk 3,81m og Bjartmar Örnusson var nokkrum sekúndubrotum frá Íslandsmeti í 800m hlaupi.

Gamlárshlaup og ganga

Samkvæmt venju fór Gamlárshlaupið fram á gamlárstag. Veður og færi var hið ákjósanlegasta, enda tóku um 70 manns þátt í hlaupinu og gengu eða hlupu 4 eða 10 km. Ljóst er að þátttaka í gamlárshlaupinu er að verða hefð hjá mörgum og er það ánægjulegt.

Þjálfarar

Unnar Vilhjálmsson og Gísli Sigurðsson störfuðu allt árið hjá félaginu og báru hitann og þungann af þjálfuninni. Einnig unnu að þjálfuninni leiðbeinendurnir Valgerður Þorsteinsdóttir, Inga Vala Gísladóttir og Íris Eva Hauksdóttir. Birgitta Guðjónsdóttir kom að námskeiðshaldi í júnímánuði. Er öllu þessu fólki þökkuð afar vel unnin og fórnfús störf.

Úrvalshópur FRÍ

Í árslok höfðu eftirtaldir iðkendur UFA náð þeim árangri sem krafist er, til að komast í úrvalshóp FRÍ en þar hefur UFA aldrei átt fleiri einstaklinga en einmitt nú.

Arna Valgerður Erlingsdóttir

Bjarki Gíslason

Bjartmar Örnusson

Ebba Karen Garðarsdóttir

Elvar Örn Sigurðsson

Erla Rán Friðriksdóttir

Hulda Margrét Hauksdóttir

Hulda Rún Ingvarsdóttir

Þorsteinn Helgi Guðmundsson

Starfsemi Langhlaupardeildar UFA

Starfsemi Langhlaupardeildarinnar var með svipuðu sniði og árin á undan og var þungamiðjan í starfseminni reglulegar æfingar árið um kring og hlaupahald. Deildin stóð fyrir æfingum þrjá daga vikunnar. Skipulag æfinga var sem fyrr í höndum virkustu meðlima hverju sinni og hver og einn valdi hraða og vegalengd við sitt hæfi. Fyrir Akureyrarhlaupið stóðu Langhlauparar fyrir 6 vikna hlaupanámskeiði fyrir byrjendur. Hátt í 40 hlauparar sóttu námskeiðið og luku því með þátttöku í Akureyrarhlaupi. Námskeiðið þótti takast afar vel og hafa margir þátttakendur þess sótt æfingar langhlaupardeildarinnar eftir að námskeiðinu lauk.

Langhlaupardeildin aðstoðaði við undirbúning þeirra hlaupa sem UFA stóð fyrir á árinu og stóð auk þess fyrir sólarlagshlaupi í lok maí og vetrarhlaupasyrpu sem samanstendur af sex hlaupum yfir vetrarmánuðina. Langhlaupardeildin á sitt svæði á

heimasíðu UFA. Þar er hægt að fylgjast með því helsta sem er á döfinni í hlaupum á norðurlandi hverju sinni, lesa greinar um hlaup og hlaupaferðir félagsmanna og ýmislegt annað sem tengist hlaupum.

Stjórn deildarinnar skipa: Rannveig Oddsdóttir, formaður.
Valur Þór Hilmarsson, meðstjórnandi
Aðalbjörg Hafsteinsdóttir, meðstjórnandi
Þengill Ásgrímsson, varamaður

Lokaorð

Hér að framan hefur verið hlaupið á því helsta sem borið hefur við hjá UFA á liðnu ári, þótt eflaust hafi eitthvað gleymst sem heima hefði átt í þessari skýrslu. Forysta félagsins hefur lengst af verið störfum hlaðin og oft viljað gera meira og betur en hún hefur orkað. Þá er það mat stjórnar félagsins að flestir þættir í starfi UFA séu í góðu horfi.

Ef lítið er um öxl og horft yfir liðið ár má sjá að flestir iðkendur, sem lagt hafa stund á íþróttina í einhverri alvöru hafa tekið umtalsverðum framförum. Þó er það svo ef UFA ætlar að státa af að eiga keppnislið í fremstu röð í fullorðinsflokki, þarf meiri fjölda iðkenda í hópinn. Að því ber að vinna.

Sumarið 2009 verður haldið Landsmót UMFÍ hér á Akureyri. Verður það án efa langstærsti viðburður sem UFA hefur staðið að. Verður þetta mót jafnframt afmælistmót Landsmótanna, en árið 1909 var fyrsta landsmót UMFÍ haldið á Oddeyrartúni. Nú hefur landsmótsnefnd verið skipuð níu valinkunnum einstaklingum og hefur nefndin þegar haldið tvo fundi og lofa fyrstu skrefin afar góðu.

Undirbúningur byggingar nýs frjálsíþróttavallar er í fullum gangi og er horft til uppbyggingar vallarins á félagssvæði Íþróttafélagsins Þórs, sunnan félagsheimilisins Hamars. Ætlunin er að þar komi fullkominn 8 brauta völlur sem standast mun alla alþjóðlega staðla. Stefnt er að því að völlurinn verði tilbúinn haustið 2008. Einnig hefur verið ákveðið, að nú í sumar verði veggir Bogans einangraðir og á komandi hausti verði unnt að hita húsið í að minnsta kosti 10 gráður í kaldari veðrum. Verður það stór bót fyrir frjálsíþróttaiðkendur þótt ósk UFA gangi lengra og kjörhiti til iðkunnar frjálsra íþróttá sé nokkru hærri. Það eru því spennandi tímar framundan hjá Ungmennafélagi Akureyrar og öllum frjálsíþróttaiðkendum hér í Eyjafirði.

Stjórn UFA færir öllum þeim sem með einum eða öðrum hætti hafa lagt félaginu lið á liðnu ári þakkir sínar. Sérstakar þakkir færum við þjálfurum félagsins sem sýnt hafa óvenjulegan dugnað og fórnfýsi í störfum fyrir félagið enda er UFA víða um land öfundað af starfsmönnum sínum.

Fyrir hönd Ungmennafélags Akureyrar

Gísli Pálsson
Rannveig Oddsdóttir
Svanhildur Karlsdóttir

Íslandsmeistarar UFA í frjálsum íþróttum 2006

Agnes Eva Þórarinsdóttir	60 m, 60m gr., langstökk innanhúss
Bjarki Gíslason	800 m innan- og utanhúss
Bjartmar Örnuson	800 m, 1500 m utanhúss
Hjalti Rögnvaldsson	hástökk innanhúss
Hulda Rún Ingvarsdóttir	60 m gr., langstökk án atr. innanhúss
Inga Vala Gísladóttir	800 m innan- og utanhúss, 1500 m
Sigurður Magnússon	kúluvarp öldunga innanhúss
Snorri Björn Atlason	langstökk innanhúss
Örn Dúi Kristjánsson	60 m gr. innanhúss
13 ára piltar	4x200 m boðhlaup innanhúss

Ómar Friðriksson
Sindri Freyr Kristinsson
Snorri Björn Atlason
Örn Dúi Kristjánsson

13 ára piltar unnu liðakeppni innanhúss í sínum flokki.
Ungkonur unnu liðakeppni síns flokks í utanhúsmótinu.
Eitt íslenskt piltamet sett af iðkanda UFA árið 2006:
Örn Dúi Kristjánsson 60 m grindahlaup 10,56 sek.



Lög félagsins

1. grein

Félagið heitir Ungmennafélag Akureyrar, skammstafað UFA. Heimili þess og varnarþing er á Akureyri.

2. grein

Tilgangur félagsins er:

1. Að efla íþróttastarfsemi á Akureyri með aðaláherslu á iðkun frjálsra íþrótta.
2. Að stuðla að þroskandi félagsstarfi.
3. Að vinna að heilbrigðu lífernri og gegn hvers konar notkun vímuefna.

3. grein

Aðalfund skal halda í febrúarmánuði ár hvert. Þá skal kjósa 7 menn í stjórn og 2 menn í varastjórn sem stíja fundi. Stjórnin velur sér formann og skiptir að með sér verkum. Endurkjör er heimilt.

4. grein

Aðalfund skal boða með minnst 10 daga fyrirvara nema um útvarpsauglýsingu sé að ræða þá með 5 daga fyrirvara. Aðalfundur er löglegur sé löglega til hans boðað. Þá getur stjórn félagsins boðað til almenns félagsfundar ef þurfa þykir. Einnig er stjórninni skylt að boða til almenns félagsfundar ef 15 félagar eða fleiri æskja þess og skulu þessir fundir boðaðir með minnst 5 daga fyrirvara.

5. grein

Árgjöld félagsmanna skal ákveða á aðalfundi. Reikningsár er frá áramótum til næstu áramóta.

6. grein

Félagar geta allir orðið karlar og konur ef meirihluti stjórnar samþykkir umsókn þeirra. Umsókn um inntöku skal vera skrifleg, vísa má beiðni um inntöku til endanlegrar ákvörðunar almenns félagsfundar. Börn yngri en 12 ára hafa ekki atkvæðisrétt en hafa heimild til fundarsetu.

7. grein

Stjórn félagsins sér um allar framkvæmdir þess og skal hún leggja fram fjárhagsáætlun til umræðu og samþykktar á aðalfundi og ber gjaldkera að haga greiðslum sínum sem mest eftir henni. Heimilt er að starfrækja deildir innan félagsins til þess að sjá um ákveðna þætti starfseminnar, þær deildir hafa ekki ráðstöfunarrétt á fjármálum félagsins nema með samþykki aðalstjórnar.

8. grein

Félögum er skylt að hlýða lögum félagsins og annast þau störf í þágu félagsins sem félagsfundur eða stjórn félagsins felur þeim.

9. grein

Úrsögn úr félaginu tekur formaður til greina með því skilyrði að viðkomandi sé skuldlaus við félagið. Úrsögn skal vera skrifleg og á þar til gerðum eyðublöðum.

10. grein

Lögum þessum má aðeins breyta á lögsmætum aðalfundi og þurfa tillögur um lagabreytingar að berast til stjórnar félagsins með minnst 7 daga fyrirvara. Samþykki 2/3 hluta fundarmanna þarf til að lagabreytingar öðlist gildi.

Lög þessi öðlast þegar gildi.

Dags 25. febrúar 2003.

Efnahagsreikningur 31.12. 2006

	31.12. 06	31.12. 05
Eignir:		
Handbært fé:		
Hlr. 4288	Kr. 558.108	Kr. 1.472.532
Peningamarkaðsreikn.	“ 539.023	“ 1.122.274
Hlr. 7701 SparNor.....	“ 2.533.376	“ 1.217.700
Bók 602909 Ísl.banki	“ 93.241	“ 85.664
Handbært fé samtals:	Kr. 3.723.748	Kr. 3.898.170
Kröfur:		
Óinnheimtar kröfur	Kr. -	Kr. 72.500
Kröfur samtals:	Kr. -	Kr. 72.500
Birgðir:		
Keppnisgallar	Kr. 332.000	Kr. 557.000
Utanyfirgallar	“ 66.000	“ -
WC pappír	“ -	“ 52.800
Tölva og búnaður	“ 90.588	“ 90.588
Birgðir samtals:	Kr. 488.588	Kr. 700.388
Eignir samtals:	Kr. 4.212.336	Kr. 4.671.058
Skuldir og eigið fé		
Skammtímaskuldir:		
Ógeiddir reikningar	Kr. 180.000	Kr. 180.000
Ógreidd laun	“ 161.341	“ 77.243
Ógreidd launagjöld	“ 45.659	“ 22.057
Skammtímaskuldir samtals:	Kr. 387.000	Kr. 279.300
Eigið fé		
Óráðstafað eigið fé	Kr. 3.825.336	Kr. 4.391.758
Skuldir og eigið fé samtals:	Kr. 4.212.336	Kr. 4.671.058

Rekstrartekjur 2006

	2006	2005
Framlög og styrkir		
UMFÍ Lottótekjur	Kr. 734.085	Kr. 733.397
Lottó frá ÍBA	“ 167.960	“ 58.850
Akureyrarbær mannvirkjaleigur .	“ 5.500.000	“ -
Akureyrarbær Afr.sjóður	“ 471.085	“ 764.150
Ýmsir styrkir	“ 365.000	“ 365.000
	Kr. 7.238.130	Kr. 1.921.397
Tekjur af mótum og almenningshlaupum		
Skráningargjöld	Kr. 258.200	Kr. 306.000
1. maí hlaup	“ 234.502	“ 351.010
Gamlárshlaup	“ 45.000	“ 38.981
Akureyrarhlaup	“ 563.821	“ 495.571
Hlaupadeild	“ 21.070	“ 27.845
Bogamót	“ 65.000	Kr. 43.500
	Kr. 1.187.593	Kr. 1.262.907
Aðrar tekjur		
Æfingagjöld	Kr. 1.665.970	Kr. 1.656.360
Endurgr. ferðakostnaður	“ 322.623	“ -
Endurgr. þjálfunarkostn.	“ 276.668	“ 41.000
Sala fyrir Krabbam.fél.	“ 204.821	“ 203.109
Sala fyrir Þroskahjálp	“ 71.400	“ -
Styrkir í kosningablað	“ 2.122.265	“ 1.492.500
WC-pappír	“ 1.390.500	“ 1.611.400
Gallar og bolir	“ 168.000	“ 98.000
Aðrar tekjur	“ 1.079	“ 552
	Kr. 6.221.326	Kr. 5.102.921
Rekstrartekjur samtals:	Kr. 14.647.049	Kr. 8.287.225

Rekstrargjöld 2006

	2006	2005
Yfirstjórn		
Húsaleiga Hamri	Kr. 180.000	Kr. 180.000
Bókhald, ritföng, prentun	“ 43.124	“ 32.465
Handbækur, áskriftir, árgjöld	“ 3.256	“ 9.960
Þingfararkostnaður	“ 39.060	“ -
Kostnaður vegna funda	“ 5.634	“ 27.000
Kostnaður vegna Internets	“ 24.148	“ -
Ýmis kostnaður	“ 5.606	“ 26.567
	Kr. 300.828	Kr. 275.992
Laun og launatengd gjöld		
Laun þjálfara	Kr. 1.878.600	Kr. 1.619.600
Launatengd gjöld	“ 154.574	“ 181.195
	Kr. 2.033.174	Kr. 1.800.795
Íþróttaleg viðskipti		
Ferðakostnaður innanlands	Kr. 369.244	Kr. 400.405
Ferðakostnaður utanlands	“ 1.166.795	“ -
Kostn. v/Akureyrarhlaups	“ 413.331	“ 311.370
Kostn. v/1. maí og gamlárshl.	“ 31.117	“ 31.689
Kostn. v/þátttöku í mótum	“ 813.271	“ 531.900
Kostn. v/FRÍ Þátttöku	“ 12.000	“ 15.000
Kostnaður vegna þjálfunar	“ 2.160.000	“ 1.429.757
Námskeið-og menntunarkostn.	“ -	“ 20.000
Verðlaun og viðurkenningar	“ 218.016	“ 190.770
Leiga á íþróttamannvirkjum	“ 5.500.000	“ -
Keyptur fatnaður	“ -	“ 135.548
Áhaldakaup	“ 172.535	“ 57.639
Kostnaður vegna kosningablaðs	“ -	“ 488.551
Kostnaður vegna hlaupadeildar	“ -	“ 1.090
Kostnaður v/mótahalds	“ -	“ 27.233
	Kr. 10.856.309	Kr. 3.640.952
Kynning, fræðsla, útbreiðsla		
Auglýsingar og prentun	Kr. 783.466	Kr. 412.134
Kostn. v/æfingafatnaðar	“ 292.129	“ -
Gjafir	“ 12.400	“ -
Uppskeruhátíð	“ -	“ 4.624
	Kr. 1.087.995	Kr. 416.758

Kostnaður vegna fjáröflunar

WC pappír innkaup	Kr.	988.300	Kr.	-
	Kr.	988.300	“	-

Önnur gjöld

Kostnaður vegna fjáröflunar	Kr.	-	Kr.	1.190.700
Afskrifaður búnaður	“	-	“	100.000
Afskrifaðar skuldir	“	97.500	“	-
	Kr.	97.500	Kr.	1.290.700

Fjármagnsliðir

Þjónustugjöld	Kr.	16.871	Kr.	30.492
Kostnaður VISA og Euro	“	-	“	1.659
Fjármagnstekjuskattur	“	18.610	“	-
Vaxtagjöld (tekjur)	“	(186.116)	“	(125.733)
	Kr.	(150.635)	Kr.	(93.582)

Rekstrargjöld samtals **Kr. 15.213.471** **Kr. 7.331.615**

Hagnaður (Tap) **Kr. (566.422)** **Kr. 955.610**

Fjárhagsáætlun UFA árið 2007

Tekjur:		Gjöld:	
Framlög og styrkir	7.400.000,00	Yfirstjórn	400.000,00
Tekjur af mótum og almenningshlaupum	1.000.000,00	Laun og launatengd gjöld	2.000.000,00
Aðrar tekjur	5.850.000,00	Íþróttaleg viðskipti	9.450.000,00
		Kynning, fræðsla og útbreiðsla	400.000,00
		Önnur gjöld	1.700.000,00
Samtals	14.250.000,00	Samtals	13.950.000,00
		Hagnaður og ófyrirséð	300.000,00
	14.250.000,00		14.250.000,00

Guðmundur Víðir Gunnlaugsson, gjaldkeri UFA

Fjárhagsáætlun UFA árið 2007 - Skýringar

Tekjur:

Framlög og styrkir

UMFÍ lottó	700.000,00
Lottó ÍBA	230.000,00
Akureyrarbær mannvirkja leigur	5.550.000,00
Akureyrarbær afr.sj. og styrkir	500.000,00
Aðrir styrkir	420.000,00
	7.400.000,00

Tekjur af mótum og almenningshl.

1. maí hl., Gaml- árshl., Ak.eyrarhl. og hlaupadeild.	700.000,00
Bogamót og skráningargj.	300.000,00
	1.000.000,00

Aðrar tekjur

Æfingagjöld	2.000.000,00
Styrkir í kosn- ingablað	2.000.000,00
Sala f. ýmis félagasamtök	250.000,00
Sala á WC-pappír	1.400.000,00
Aðrar tekjur	200.000,00
	5.850.000,00

Gjöld:

Yfirstjórn

Húsaleiga að Hamri	200.000,00
Bókhald, ritföng, prentun, fundir o. fl.	200.000,00
	400.000,00

Laun og launa- tengd gjöld

1.800.000,00
200.000,00
2.000.000,00

Íþróttaleg viðskipti

Ferðakostnaður innanlands	400.000,00
Kostnaður v kosningablaðs	500.000,00
Leiga á íþrótt- mannvirkjum	5.550.000,00
Þjálfunarkostn- aður	2.000.000,00
Kostnaður v þátttöku í mótum	600.000,00
Verðlaun og viðurk.	200.000,00
Íþróttafatnaður	200.000,00

Önnur gjöld:

Kostnaður vegna fjáröflunar	1.400.000,00
Annað	300.000,00

11.150.000,00

Kynning, fræðsla og útbreiðsla

400.000,00